

## Элстин партийн болн эдл-ахун активин хург

Элет балгьсна партийн боли эдл-ахун активин хург одахн болсн „СССР-т амтн бээдг гермүд тосхлгыг делгрүллгьнэ тускар“ КПСС-н Центральн Комитетин болн СССР-н Министрмүдин Советин гаргьсн тогтавр болн балгьсна партийн организацин төрмүд“ гисн күүндвр кев. Эн төрэр КПСС-н таньгьчин комитетин сеплэтр үр Сангаев доклад кев.

— „СССР-т амтн бээдг гермүд тосхлгыг делгрүллгьнэ тускар“ КПСС-н ЦК-н болн СССР-н Министрмүдин Советин гаргьсн тогтавриг, цуг советск олт-амтстэ хамдан, мана Хальмг таньгьчин күүч-көлсчир цугьар ик байртагьар тосцхав, — гидж үр Сангаев докладан эклв. Мана Коммунистическ парть болн Советск правительств олт-амтнэ джиргьл-бээддиг ягьдждж улм яерулхин тускар, тедниг хүүвтэ мулньгта болгьхин төлдэ ямаран элдү ик килмдэян тэвдэжэхи нь эдн тер тогтаврү үз-дэжэцхэнэ.

Хальмгин партийн организаци болхла, амтн бээдг гермүд тосхлгына төр цаньго ик чир зүүдэжэнэ. Мана орнутгин талдан областьсае болн крайсае нүүдждж ирцхэдэжэ улсиг бээдг герэр тетгх төр мана таньгьчин болн балгьсна партийн, советск, профсоюзн болн комсомольск организацин кэдлмшин нег эрки аныгн болджана, — гидж үр Сангаев докладтан цааранди келв.

Тосхлтин кэдлмш Элет балгьсар ягьдждж кегдждж йовхинь келхлэри, элстин партийн организаци амтн бээдг гермүд тосхлгына чиртэ ик төрэн сулар күүцэдж йовна гидждж док-

ладчик заав.

Август сарин нег шинд болхла балгьсар государственн тосхлтин кэдлмшин зурань зугл 30 процент шаху күүцэдж. Амтн бээдг гермүд тосхлгыр болхла гаргьгдсн мөнхгнэ брэлнь олзгдждж. Күүч-көлсчир бийснь бээх гермүд бэрдждж авлгьн сулар кегдждж йовна. Балгьсар амтн бээдг 40 гер тосхлгдждж бээхэс ода күүртл нег чигн гер күүгдэн дуусгадад ура.

Тосхлгт сулар кегдждж йовхин тускар келхлэри, докладчик эн халхар тосхлтин хойрдгч управлень (начальникнь үр Семибратов), тосхлтин негдгч линейин управлень (начальникнь үр Воржеленко), балгьсна коммунальн отдел (заведующийнь үр Плотичын), таньгьчин потребсоюз (ахлачнь үр Сидоренко), нань чигн организаци болн теднэ гардачирнь тосхлтин зурагьан эс күүцэдж йовцхалгинь заав. Эдн, амтн бээдг болн производственн гермүд тосхлгына ик хашиньгар кецхэдждж йовна, гаргьдждж өгсн мөнхгиг олт аныг тосхлгур тарагьад, кэдлждж йовцхах улсин күүч-көлсннь сээндэр бүрдэдж эс чадад бээцхэнэ.

Балгьсар тосхлтин йовудин ишкдлнь цаньго ик сул болдгин учрнь — балгьсна Советин күүцэгч комитет (үр Джимбинов), КПСС-н балгьсна комитет (үр Трубицын) балгьсна тосхлгиг тодрхагьар болн сээндэр медждж гардигь күүгц бишэр кедгт бээдг, эдн бээри партийн, советск болн профсоюзн организациг амтн бээдг гермүд тосхлгына төрмүдиг күүцэдж таслгь-

нд йоста кевэр бүрдэдж, орлцулждж йовцхахми уга.

— Партийн, советск, профсоюзн болн комсомольск организацин эрки ах төрнь — „СССР-т амтн бээдг гермүд тосхлгыг делгрүллгьнэ тускар“ КПСС-н ЦК-н болн СССР-н Министрмүдин Советин гаргьсн тогтавриг цээлгьдждж өглгьнэс иштэгьар цуг общественностиг, цуг олт-амтн хурдн болдгар амтн бээдг гермүд эс күүгдждж бээхиг уур-улхин кергт шумгьга кевэр өрлцулхмэ, тингэд партийн болн правительствин тэвсн төриг эркин уга күүцэхиг тетгх зөвтэ биди гидждж — үр Сангаев докладан төгсэдж келв.

Үр Сангаевн докладар күүндвр болснд үг авч келцхэснь: ремстройконторин прораб үр Богатырев, тосхлтин десятник үр Болдырев, таньгьчин күүцэгч комитетин отделин начальник үр Манджиев, тосхлтин хойрдгч управленэ ах инженер үр Гусев, балгьсна Советин күүцэгч комитетин ахлач үр Джимбинов, балгьсна коммунальн заведующий үр Плотичын, балгьсна зурагьин ахлач үр Дженгуров, балгьсна тосхлч, пенсионер үр Харечко, таньгьчин потребсоюзин ахлач үр Сидоренко, КПСС-н балгьсна комитетин промышленн отделин заведующий үр Сергеев болн таньгьчин Советин күүцэгч комитетин ахлачин дарук үр Язев.

Күүндвр болсн төрэр партийн боли эдл-ахун активин хург тогтавр батлждж авб.

Күүндвр орлсн улсин зэрмсиннь келсн үгэс дора барлгдджана.